

集唐字老子道德經注

下篇

西泠印社出版社

(魏)

王弼

注

集唐字老子道德經注  
下篇

西泠印社出版社

图书在版编目 (C I P) 数据

集唐字老子道德经注 / (魏) 王弼注 ; 黎庶昌辑

— 杭州 : 西泠印社出版社, 2017. 2

ISBN 978-7-5508-1996-2

I. ①集… II. ①王… ②黎… III. ①道家②《道德经》—注释 IV. ①B223.12

中国版本图书馆CIP数据核字(2017)第038991号

ISBN 978-7-5508-1996-2



9 787550 819962 >

集唐字老子道德經注

(魏)王弼  
黎庶昌 輯 注

出品人 江吟  
責任編輯 伍佳  
責任出版 李兵  
裝幀設計 方圓  
出版發行 西泠印社出版社  
地址 杭州市西湖文化廣場三十二號五樓  
郵編 三一〇〇一四  
電話 〇五七一八七二四三〇七九  
經銷 全國新華書店  
印刷 杭州名典古籍印務有限公司  
開本 八開  
印張 四十二  
印數 一—五〇〇  
書號 ISBN 978-7-5508-1996-2  
版次 二〇一七年二月第一版第一次印刷  
定價 480.00圓 (全兩冊)

老子道德經下篇

晉 王弼 注

三十八章

老子道德經下篇

晉 王弼 注

三十八章

上德不德，是以有德；下德不失德，是以無德。上德無為而無以爲；下德爲之而有以爲。上仁爲之而無以爲；上義爲之而有以爲。上禮爲之而莫之應，則攘臂而扔之。故失道而後德，失德而後仁，失仁而後義，失義而後禮。夫禮者，忠信之薄，而亂之首。前識者，道之華，而愚之始。是以大丈夫處其厚，不居其薄；處其實，不居其華。

上德不德是以有德下德不失德是以無德上  
德無爲而無以爲下德爲之而有以爲上仁爲  
之而無以爲上義爲之而有以爲上禮爲之而  
莫之應則攘臂而扔之故失道而後德失德而  
後仁失仁而後義失義而後禮夫禮者忠信  
之薄而亂之首前識者道之華而愚之始是以  
大丈夫處其厚不居其薄處其實不居其華

故去彼取此。

德者，得也。常得而無喪，利而無害，故以德爲名焉。何以得德？由乎道也。何以盡德？以無爲用。以無爲用，則莫不載也。故物無焉，則無物不經；有焉，則不足以免其生。是以天地雖廣，以無爲心；聖王雖大，以虛爲主。故曰：以復而視，則天地之心見；至日而思之，則先王之至觀也。故滅其私而無其身，則四海莫不瞻，遠近莫不至；殊其己而有其心，則一體不能自全，肌骨不能相容。是以上德之人，唯道是用，不德

故去彼取此

德者得也常得而無喪利而無害故以德爲名焉何以得德由乎道也何以盡德以無爲用以無爲用則莫不載也故物無焉則無物不經有焉則不足以免其生是以天地雖廣以無爲心聖王雖大以虛爲主故曰以復而視則天地之心見至日而思之則先王之至觀也故滅其私而無其身則四海莫不瞻遠近莫不至殊其己而有其心則一體不能自全肌骨不能相容是以上德之人唯道是用不德

其德，無執無用，故能有德而無不為；不求而得，不為而成，故雖有德而無德名也。下德求而得之，為而成之，則立善以治物，故德名有焉。求而得之，必有失焉；為而成之，必有敗焉，善名生則有不善應焉。故下德為之而有以為也。無以為者，無所偏為也。凡不能無為而為之者，皆下德也，仁義禮節是也。將明德之上下，輒舉下德以對上德，至於無以為，極下德之量，上仁是也，足及於無以為而猶為之焉。為之而無以為，故有為為之患矣。本在

其德無執無用故能有德而無不為不求而  
得不為而成故雖有德而無德名也下德求  
而得之為而成之則立善以治物故德名有  
焉求而得之必有失焉為而成之必有敗焉  
善名生則有不善應焉故下德為之而有以  
為也無以為者無所偏為也凡不能無為而  
為之者皆下德也仁義禮節是也將明德之  
上下輒舉下德以對上德至於無以為極下  
德下之量上仁是也足及於無以為而猶為  
之焉為之而無以為故有為為之患矣本在

無爲，母在無名，棄本捨母而適其子，功雖大焉，必有不濟，名雖美焉，僞亦必生。不能不爲而成，不興而治，則乃爲之，故有宏普博施仁愛之者，而愛之無所偏私，故上仁爲之而無以爲也。愛不能兼，則有抑抗正（真）「直」而義理之者，忿枉祐直，助彼攻此物事而有以心爲矣，故上義爲之而有以爲也。直不能篤，則有游飾修文禮敬之者，尚好修敬，校責往來，則不對之間忿怒生焉。故上禮爲之而莫之應，則攘臂而扔之。夫大之極也，其唯道乎！自此已往，

無爲母在無名棄本捨母而適其子功雖大  
焉必有不濟名雖美焉僞亦必生不能不爲  
而成不興而治則乃爲之故有宏普博施仁  
愛之者而愛之無所偏私故上仁爲之而無以  
爲也愛不能兼則有抑抗正真而義理之者  
忿枉祐直助彼攻此物事而有以心爲矣故  
上義爲之而有以爲也直不能篤則有游飾  
修文禮敬之者尚好修敬校責往來則不對  
之間忿怒生焉故上禮爲之而莫之應則攘  
臂而扔之夫大之極也其唯道乎自此已往

豈足尊哉？故雖德盛業大，富而有萬物，猶各得其德，雖貴以無為用，不能捨無以為體也，不能捨無以為體則失其為大矣，所謂失道而後德也。以無為用，德其母，故能己不勞焉而物無不理。下此已往，則失用之母。不能無為而貴博施，不能博施而貴正直，不能正直而貴飾敬，所謂失德而後仁，失仁而後義，失義而後禮也。夫禮也，所始首於忠信不篤，通簡不陽，責備於表，機微爭制，夫仁義發於內，為之猶偽，況務外飾而可久乎？故夫禮者，

豈足尊哉故雖德盛業大富而有萬物猶  
各得其德雖貴以無為用不能捨無以為體  
也不能捨無以為體則失其為大矣所謂失  
道而後德也以無為用德其母故能己不勞  
焉而物無不理下此已往則失用之母不能無  
為而貴博施不能博施而貴正直不能正直  
而貴飾敬所謂失德而後仁失仁而後義失  
義而後禮也夫禮也所始首於忠信不篤通  
簡不陽責備於表機微爭制夫仁義發於  
內為之猶偽況務外飾而可久乎故夫禮者



忠信之薄而亂之首也。前識者，前人而識也，即下德之倫也。竭其聰明以爲前識，役其智力以營庶事，雖德其情，姦巧彌密，雖豐其譽，愈喪篤實。勞而事昏，務而治蕩，雖竭聖智而民愈害。舍己任物，則無爲而泰。守夫素樸，則不順典制，聽彼所獲，棄此所守，識道之華而愚之首，故苟得其爲功之母，則萬物作焉而不辭也。萬事存焉而不勞也，用不以形，御不以名，故仁義可顯，禮敬可彰也。夫載之以大道，鎮之以無名，則物無所尚，

志無

忠信之薄而亂之首也。前識者，前人而識也。即下德之倫也。竭其聰明以爲前識，役其智力以營庶事，雖德其情，姦巧彌密，雖豐其譽，愈喪篤實。勞而事昏，務而治蕩，雖竭聖智而民愈害。舍己任物，則無爲而泰。守夫素樸，則不順典制，聽彼所獲，棄此所守，識道之華而愚之首，故苟得其爲功之母，則萬物作焉而不辭也。萬事存焉而不勞也。用不以形，御不以名，故仁義可顯，禮敬可彰也。夫載之以大道，鎮之以無名，則物無所尚，志無

所營，各任其貞，事用其誠，則仁德厚焉，行義正焉，禮敬清焉。棄其所載，舍其所生，用其成形，役其聰明，仁則誠焉，義其就焉，禮其爭焉，故仁德之厚，非用仁之所能也；行義之正，非用義之所成也；禮敬之清，非用禮之所濟也。載之以道，統之以母，故顯之而無所尚，彰之而無所競，用夫無名，故名以篤焉；用夫無形，故形以成焉。守母以存其子，崇本以舉其末，則形名俱有而邪不生，大美配天而華不作，故母不可遠，本不可失。仁義，母之所生，非可

所營各任其貞事用其誠則仁德厚焉行義  
正焉禮敬清焉棄其所載舍其所生用其  
成形役其聰明仁則誠焉義其競焉禮其  
爭焉故仁德之厚非用仁之所能也行義之正  
非用義之所成也禮敬之清非用禮之所濟  
也載之以道統之以母故顯之而無所尚彰  
之而無所競用夫無名故名以篤焉用夫無  
形故形以成焉守母以存其子崇本以舉其  
末則形名俱有而邪不生大美配天而華不  
作故母不可遠本不可失仁義母之所生非可

以為母。形器，匠之所成，非可以為匠也。捨其母而用其子，棄其本而適其末，名則有所分，形則有所止，雖極其大，必有不周，雖盛其美，必有憂患。功在為之，豈足處也？

### 三十九章

昔之得一者，

昔，始也。一，數之始而物之極也。各是一物之生，所以為主也。物皆各得此一以成，既成而舍以居成，居成則失其母，故皆裂、發、歇、竭、減、蹶也。

天得一以清，地得一以寧，神得一以靈，谷得一以

以為母形器匠之所成非可以為匠也捨其  
母而用其子棄其本而適其末名則有所  
分形則有所止雖極其大必有不周雖盛其  
美必有憂患功在為之豈足處也

### 三十九章

昔之得一者

昔始也一數之始而物之極也各是一物之生所  
以為主也物皆各得此一以成既成而舍以居  
成居成則失其母故皆裂發歇竭減蹶也  
天得一以清地得一以寧神得一以靈谷得一以

盈，萬物得一以生，侯王得一以為天下貞。其致之。

各以其一，致此清、寧、靈、盈、生、貞。

天無以清將恐裂，

用一以致清耳，非用清以清也。守一則清不失，用清則恐裂也。故為功之母，不可舍也。是以皆無用其功，恐喪其本也。

地無以寧將恐發，神無以靈將恐歇，谷無以盈將恐竭，萬物無以生將恐滅，侯王無以貴高將恐蹶。故貴以賤為本，高以下為基。是以侯王自謂孤、寡、不穀。此非以賤為本邪？非乎？故致數與

盈萬物得一以生侯王得一以為天下貞其致之

各以其一致此清寧靈盈生貞

天無以清將恐裂

用一以致清耳非用清以清也守一則清不失用清則恐裂也故為功之母不可舍也是以皆無用其功恐喪其本也

地無以寧將恐發神無以靈將恐歇谷無以盈將恐竭萬物無以生將恐滅侯王無以貴高將恐蹶故貴以賤為本高以下為基是以侯王自謂孤寡不穀此非以賤為本邪非乎故致數與

無與，不欲碌碌如玉，珞珞如石。

清不能為清，盈不能為盈，皆有其母以存其形，故清不足貴，盈不足多，貴在其母，而母無貴形。貴乃以賤為本，高乃以下為基，故致數與乃無與也，玉石碌碌珞珞，體盡於形，故不欲也。

### 四十章

反者道之動，

高以下為基，貴以賤為本，有以無為用，此其反也。動皆知其所無，則物通矣，故曰反者

無與不欲碌碌如玉珞珞如石

清不能為清盈不能為盈皆有其母以存其形故清不足貴盈不足多貴在其母而母無貴形貴乃以賤為本高乃以下為基故致數與乃無與也玉石碌碌珞珞體盡於形故不欲也

### 四十章

反者道之動

高以下為基貴以賤為本有以無為用此其反也動皆知其所無則物通矣故曰反者

道之動也

弱者道之用

柔弱同通不可窮極

天下萬物生於有有有生於無

天下之物皆以有為生有之所始以無為本  
將欲全有必反於無也

四十一章

上士聞道勤而行之

有志也

中士聞道若存若亡下士聞道大笑之不笑不

道之動也。

弱者道之用。

柔弱同通，不可窮極。

天下萬物生於有，有生於無。

天下之物皆以有為生，有之所始，

以無為本。將欲全有，必反於無

也。

四十一章

上士聞道，勤而行之；

有志也。

中士聞道，若存若亡；下士聞道，大

笑之，不笑不

足以爲道。故建言有之。

建，猶立也。

明道若昧，

光而不耀。

進道若退，

後其身而身先，外其身而身存。

夷道若類，

類，坳也。大夷之道，因物之性，

不執平以割物，其平不見，乃更反

若類坳也。

上德若谷，

足以爲道故建言有之

建猶立也

明道若昧

光而不耀

進道若退

後其身而身先外其身而身存

夷道若類

類坳也大夷之道因物之性不執平以割物

其平不見乃更反若類坳也

上德若谷

不德其德無所懷也

大白若辱

知其白守其黑大白然後乃得

廣德若不足

廣德不盈廓然無形不可滿也

建德若偷

偷匹也建德者因物自然不立不施故若偷匹

質真若渝

質真者不矜其真故渝

大方無隅

不德其德，無所懷也。

大白若辱，

知其白，守其黑，大白然後乃得。

廣德若不足，

廣德不盈，廓然無形，不可滿也。

建德若偷，

偷，匹也。建德者，因物自然，不

立不施，故若偷匹。

質真若渝，

質真者，不矜其真，故渝。

大方無隅，



方而不割，故無隅也。

大器晚成，

大器成，天下不持全別，故必晚成也。

大音希聲，

聽之不聞名曰希，不可得聞之音也。有聲則有分，有分則不宮而商矣。分則不能統眾，故有聲者非大音也。

大象無形，

有形則有分，有分者不溫則炎，不炎則寒。故象而形者，非大象。

方而不割故無隅也

大器晚成

大器成天下不持全別故必晚成也

大音希聲

聽之不聞名曰希不可得聞之音也有聲

則有分有分則不宮而商矣分則不能統眾

故有聲者非大音也

大象無形

有形則有分有分者不溫則炎不炎則寒

故象而形者非大象